

A tua carta datada o 1 deste mes mandáronma ainda hoxe do P. Sarmiento (que é a depuración do noso Seminario)

Ramón Martínez-López

General Pardiñas, 7-6.º - B

Santiago de Compostela

8-S. Xoan ,1975

Meu querido Valentín : denantes d'escrevir estas liñas xa botei no correo unha carta para o meu excelente amigo Enrique (Martínez López) que estaba no ano 1971 efectivamente na Universidade de California en Santa Bárbara. (Hay 14 Universidades naquel Estado) Enrique é granadino, casado e dimpois divorciado dunha rapaza brasileira que nos congresos foi considerada como a miña muller por aquilo dos apelidos etc.etc. Enrique traballou sobre todo no período barroco brasileiro-influencias do Góngora no Gregorio de Matos- e algo fixo tamén en literatura bras. contemporánea. Ensinou en Recife dous ou tres anos denantes de vir aos EE.UU. Se me ouveras dado a data do traballo sería mais rápido pedir aos meus amigos de Texas un Xerox. De todos modos-supondo que non se foi de Santa Bárbara- non taradará en mandarme copia do seu artigo.

Xa vexo que estás metido en fariña e que a entrada será pronto. Interésame porque estou facendo cola e ando a voltas xa co meu "rollo" que " rolo " e todo prometo non durará mais de 50 minutos. Xa lle dixen a Ididoriño que fora un ~~pouco~~ longo. Perto de duas horas...

Nada sei do catalán Francisco Faus...pero coido que será fácil localiza-lo nesta nosa península .

Tan cedo como teña novas de California, craro, enviareichas. Os nosos amigos académicos según me dixo ainda hoxe Vidal Abascal están nervosos e até ameazantes contra nos os " electos "... Eu vou ver si acabo con ista tarefa despois de ti. Os nosos mellores saudos pra Pilar e pra ti unha grande aperta de

Ramón

~~Quando por sepa
trabo os artigos
impressos pra
non peñar con
fra as leis
portaes.
Vai todos unto~~

30 de S. Joan 1.975

Meu querido Valentín : velahío que me pediches do Enrique Martínez López que chegou fai catro días con dilixencia CIATICA . También che mando unha cousiña de técnica estrutural sobre o G. Rosa. (Propiamente é unha aplicación das doutrinas do camarada esgrevio Levi-Strauss da que se poden tirar algunhas consecuencias.Xa verás ...ou terás visto si a coñeces)

Pensaba levarte esto por man. Iamos a xantar contigo a Isabel e eu. Non poido ser como non poden ser- polo de agora- tantas cousas nesta terra onde nos tocou nacer !!

Os da Academia están un pouquiño insolentes. Antes de invitar ao Sebastián estaba eu indicado pra falar en Bos Aires. Indicado e convidado polo Rodolfo Prada. Por consello sensato do Sebastián deixei de traballar no rolo académico pra preparar as peroratas platenses. Dimpois non puđen ir e outro Valentín Fernandez arranxou a ida do noso Presidente, que aínda é hoxe o día que non me dixeran da sua ida. Non sei a parte que el tivo na derradeira xunta pra instar ameazadoramente aos " electos " mais paréceme todo un pouco demais.

Perdón por esta rexouba e desafoego. Nosa mellor lembranza pra Pilar con unha grande aperta pra ti de

Ramón

Nada sei de Francisco Faus. Se me deras algunga pista mais- onde escribe por ex. - pode ser que o encontrase.